



説疫

二之下



明
號
卷
604
4

班黃並發

秉錦補

凡傷寒瘟疫變現諸症相兼者多唯班黃二症少見同時而發者

從兄秉欽病發

黃旋卽發班余往診視甚覺駭異以其素虛隨用托理舉
班湯茵陳五苓散二方中採擇加減服之班黃並治與可
奏效服一劑次早戰汗後班黃並退其病豁然隨名其方
曰班黃雙解散慈錄於左以備採擇因擴而充之或班甚
而黃輕者則以治班爲重而以治黃爲輕或黃甚而班輕
者則以治黃爲重而以治班爲輕又或有先班而後黃者

有先黃而後班者有發黃而兼發疹者班黃之症不一巧
妙之治各殊參伍以盡其變錯綜以盡其神左右逢源是
在業醫者因時以制宜耳

班黃雙解散 自定新方

茵陳

猪苓

茯苓

澤瀉

鹽水
洗焙炒梔

生地

甘草

白芍

當歸 酒洗

善怒

凡病人恒多焦躁此其常也唯瘟疫之怒與凡病之焦躁
不同其症或因人語言之稍有拂逆或細事之偶然不諧

懷素音懷素
同卷

在平時可以嬉笑處之而茲則入耳便怒不可解心中暗
惱不休至昏瞶時返將所怒之事從謔語說出而弗自覺
也又或有靡所觸忤偶憶往事可惱者亦時時發怒能令
心腹鬱悶張塞與懷素相似而實不同蓋懷素方書中解
之謂鬱鬱然不舒憤憤然無奈比之煩悶而甚者是也係
下後之症且無所忤而自生者茲善怒則不論曾否汗下
日日如斯甚有瘟病已愈而此症仍在者必俟能起坐如
平時方止將謂此症不由肝胆而肝胆實司怒之經將謂
其怒盡由肝胆而肝胆不任其疚何者肝胆之瘟邪退而

其怒仍在也。唯投以理氣之劑，而鬱悶稍舒，然雖舒，或有
所觸，而其病復發矣。有似於陽厥，而又非也。書言陽厥，怒
病發狂者，因陽氣暴折而難決，故善怒。病名陽厥，蓋陽氣
暴折，故鬱而多怒。治以鉄落飲，如辰砂許，取金能生水之意。
且鐵性沉重，最能墜熱開結。至矣。曰陽厥者，必有四肢厥逆
之症，乃可以厥名。曰怒病發狂者，是狂而不僅於怒矣。而茲則
不厥不狂，心中暗惱，而不自禁也。因名之曰善怒。雖心腹
鬱結難支，然未見有以此殞命者。唯專治其瘟瘟愈而怒
自己矣。或投以鉄落飲，視其兼症，而加減出入之，庶可奏效也。

狂

狂之爲病有三。而陰症不與焉。經曰：重陽則狂。又曰：邪入
於陰則狂。諸經之狂，總陽盛也。一口發狂，蓋陽明多氣多
血，陽邪入胃府，熱結不解，因而發狂。其症則妄起行，妄笑
語，登高而歌，棄衣而走，踰垣上屋，呼號罵詈，不避親疎，數
日不食，皆因陽明邪熱上乘心肺，故令神志昏亂如此。是
爲邪熱已極，非發逐火邪，不能自己。故但察其面赤咽痛，
潮熱，噎氣，五心煩熱，唇腫，口噤發黃，脉實，形如醉人，大便
鞭結，或腹滿而堅，有可攻等症，則宜以大承氣六一順氣

等湯。涼膈散。消息出入下之。再甚則爲陽毒。斟酌施治。如無脹滿實堅等症。而惟胃火致然。則但以白虎湯。抽薪飲等。泄去火邪自愈。一曰如狂。或當汗不汗。或覆蓋不週。而不汗。太陽之邪。無從而出。故隨經入府。小腹鞭滿。小便自利。下焦畜血。經所謂熱結膀胱。其人如狂。是特如狂而未至於狂耳。宜桃仁承氣下之。則愈。一曰火邪驚狂。其或薰熨迫汗。灼艾燒針等治。不如法。令人煩燥。起卧不安。是也。此傷寒中事瘟疫門原無薰灼治法。故無此變症。至於狂亂而兼小便自遺。直視。汗出輒復熱。不能食。舌捲。囊縮。皆

難治

抽薪飲

黃芩

石膏

木通

炒梔

黃柏

枳壳

麩炒

澤瀉

鹽水炒

甘草

水煎冷服

熱在經絡

者。加連翹。花粉在血分。大小腸者。加槐花。黃連在陽明頭面。或煩躁便實者。加石膏在下焦。加胆草車前。在陰分。津液少者。加二冬。生地。白芍。便結。加硝黃。

循衣摸床

瘟疫而至循摸。勢亦危矣。而治之得法。亦有生者。其一由

陽明裡熱之極者蓋陽明胃也肝有邪熱而移于胃故現此症胃主四支而風木乃動搖之象是循摸乃肝與胃府邪熱所致也脉清者生濇者死如有下症宜用承氣等湯其一由用火劫汗而然者小便利者生不利者死利則肺氣猶降而腎水未枯也余曾見一人患瘟疫不時循摸詢之謂曾用火罐將胃口亂拔與其作汗變現此症遂用寒涼和解之藥而愈蓋未現下症第因火劫所致清之即愈亦有不因火劫不因吐下後而有是症者總宜清涼和解傷寒書中亦有指循摸為虛極而用微補峻補者瘟疫未曾經過

謔語識語

傷寒謔語識語解者紛紛考其字義謔語者不論寤寐亂言獨語如見鬼狀因胃熱上乘於心心為熱胃則神識昏亂錯妄如此俗謂之說糊話者是也熱之輕者也甚則狂語不休罵詈喊叫昏不識人而熱則深矣識語者乃合目自言寤而自止較之謔語則更輕矣此謔識二字之分也謔語向入陽明門以余之所閱歷三陽皆有而陽明居多耳亦有初得病而即謔語者更兼昏不識人及不能食其病必重若無此症或睡則識語而寤則清醒或寤時偶為

論語而有時止歇其病則輕矣。譚識之由又自不同。有邪在表者。有邪入裡者。有邪在半表半裡者。有表虛裡實者。有汗後者。有下後者。有畜血者。有燥屎者。有邪入心經者。有合病併病者。有過經者。有亡陽者。當察其兼症與脈。與色。與聲。與人之虛實。始得其病情。此專講邪熱之症。亦間有汗下後用補者。而陰寒不在此例也。脈和易愈。短則死。身微熱。脈浮大洪者生。逆冷。脈沉微弱細急者死。或氣上逆而喘滿。或氣下奪而自利。皆為逆候。

二便不通

二便雖出于二腸。莫非皆腎之開竅也。有因熱結大小腸。以致津液不行。熱無以泄者。由此而譫妄發狂。發黃發斑等症。隨焉宜苦寒下之。有因過汗亡陰。熱耗津液。以致小便秘澁。而大便燥結者。宜潤劑通之。若止小便閉者。行大便則小便通。徒利小便無益。再者瘟疫利小水。與邪熱由之而泄。但利之太過。反致大便燥結者。有之不可不知。

休息瀉

自古痢以休息名。罕聞瀉而休息者。也有之。自余閱歷始此。則不係之以瘟。而係之以疫矣。蓋因發時無少長。皆同。

也其病自長夏至秋皆有且有自夏徂秋而不愈者始終
并無瘟疫表裡等症有兼脹者有不脹者食則不減而最
惡飲水意其爲濕也而其時甚旱經歲不雨不知濕從何
來瀉時日數十行不治終不遽止長夏炎熱燠石流金投
以健脾溫補之藥始痊閱數日而復作矣間或痊可再閱
數日而又作矣纏綿不已有至數月者詢其復作之由半
因吃生令與飽食所致戒以只食七八分飽服藥月餘則
不復作患此絕少不起者然病體支離莫可當矣

下利 卽泄瀉

瘟疫而見下利病亦不輕矣大抵屬寒者三熱者七濕則
其僅見者也而吳又可瘟疫論中協熱下利等說單以熱
論不亦偏乎第瘟疫下利之屬寒者輕淺自不得與冬月
感寒與直中陰經者同日而語也其屬寒者有三一則感
原無大熱之瘟疫而過用涼藥因致瘟不除而瀉又作此
時宜舍病治藥只得先溫其裡裡溫瀉止而瘟疫不除也
再解其表瘟疫原無汗法斯時仍用和解疏利視其邪在
某經細心施治治之而邪仍不解必其先此下利時有傷
元氣陰虧營枯不能作汗此時又宜平補滋陰用熟地當

歸白芍炙草再佐以白朮山藥蓮肉氣滯者加陳皮有寒者加煨薑不寐者加製半夏扶神嘔惡者加藿香調理施治則自然汗解而愈矣或見其大便不實恐下利復作於前藥中再重用茯苓製首烏白扁豆等藥消息施治無不獲效一則因大下後而泄瀉者亦因元氣虧損氣血傷敗或宜健脾或宜補腎或宜補氣血或宜淡滲或宜固澁視其病之輕重人之虛實而調治之一則有不因服涼藥與攻下而自利者或因歲氣之偏時氣之戾司天在泉之殊致飢饉旱澇之觸忤感而成病初覺亦頭痛身痛身熱發

熱自汗微惡寒繼則突然泄瀉却無謔語鄭聲昏冒舌胎燥渴斑黃等症其脉既不洪數亦不細微投以達原飲而利益甚投以元霜素雪等丹而利不除此症原無大熱乃瘟疫中之變局問其渴則惡飲水視其舌并無黃胎知其非熱利無疑總以健脾補腎為主而以利水佐之此之補腎却不用熟地又恐其滑腸尤忌當歸唯用大首烏菟絲山藥茯苓白朮蒼朮白扁豆人參陳皮炙草等藥消息施治此時反以下利爲本而瘟疫爲標蓋泄瀉不止則元氣日虧表邪益不能解若下利止縱有表邪再於補藥中帶

和解施治况經此大泄瘟邪亦不能逗留矣再者下利雖有表症不可發汗恐走津液而胃益虛必成脹滿當先治利利止內實正氣復邪自解得微汗而愈蓋下利為內虛若發其汗則內外皆虛變症出矣仲景傷寒論三陽合病皆能自利有發表和解攻裡之殊瘟病原無發表之說至於攻裡則用涼藥夫涼所以除熱也則試言下利之屬熱者熱下利必有兼症或有口苦咽乾唇焦舌燥譫語煩渴尿赤目赤潮熱等症則或用寒涼或用攻下通因通用在所必施總之下利不過寒熱兩端視其兼症較若引犀

其因於寒者口無燥渴甚則惡飲水惡寒小便清白臍下

多寒身雖熱手足逆冷

此症寒熱皆有

糞色白或淡黃完谷不化

有如鶩溏澄澈清冷腥臭脉不洪硬且無力至於蹇卧閉

目向壁卧引衣自蓋出言微細不欲見明面如刀刮等症

則係冬月嚴寒直中陰經之候瘟疫下利雖寒亦無此矣

其因於熱者發熱煩燥欲飲水口燥渴小便黃赤

寒症更有

兼泄而不利

寒症則無

臍下熱泄出作聲所下如垢膩奇臭其

色青黃赤醬色黑色後重得涼藥則止得熱藥則增其脉

則洪數浮滑弦大盛強以此辨寒熱萬不失一治各不同

醫者宜審

頭汗

頭汗總爲邪熱上壅而陽氣內脫者間或有之頭爲諸陽之會三陰經不上頭故無頭汗所以頭汗屬陽經凡遍身有汗謂之熱越若熱不得越而上蒸陽分陽氣上冲津液上奏故但頭汗出也其兼症如太陽之熱結在裡陽明之被火劫與邪在半表半裡之往來寒熱及熱入血室與虛煩水結胸發黃蓄血等症俱是熱不得越治法或散或和解或清或下除其邪而病自愈至氣脫頭汗則多以妄下傷陰或尅伐太過或泄瀉不止以致陰竭于下陽脫于上

小水不通而上見頭汗則大危矣。○活人以頭汗出者慎下而張景岳治頭汗條有用承氣者始閱之疑其相背細看始知其皆是也。活人之慎下指五臟乾枯胞中空虛津液少者而言。景岳則以便結腹脹痛而頭汗者宜承氣以下之也。視頭汗之兼症而下與否殊施耳。至于有表邪脈緊數而頭汗當散者宜小柴胡及諸柴胡飲。見景岳全書新方散陣中有火邪脈洪滑內多煩熱而頭汗當清者宜白虎湯益元散之類此治頭汗之大概也。

盜汗

睡則衛氣行於裡內有伏熱其在表之陽氣不密故津液得泄熱蒸于外腠裡開而盜汗出醒則氣行于表而盜汗止矣。雜病盜汗責在陰虛瘟疫盜汗總邪在三陽所致。三陽經俱有盜汗而邪在半表半裡者居多。故總以和解為治。觀仲景論三陽合病之盜汗而歸重于但欲眠睡熱在胆經可知矣。小柴胡湯主之。

自汗

衛氣護衛皮毛禁固津液不得妄泄邪氣干之則不能固衛于外由是津液妄泄而自汗出焉。瘟疫之自汗與他症

異多有感而卽患自汗者。則自汗竟屬瘟疫中常事。較之頭汗盜汗等反輕矣。當專治瘟疫邪退而汗自止。但亦有表裡虛實之異。有邪在經而汗在皮毛者。非真汗也。有汗後邪雖稍減。猶未盡痊者。又未可因汗而謂其必無表邪也。須因脈症而詳察之。其在表者。當于達原飲中加三陽經表藥以疎利和解之。在裡者。下之瀉之。清之。至于雜症亦多有自汗者。各有本門。茲不贅。汗下後虛極。表邪盡去而自汗者。方可用補。稍有表邪。輒誤補則大害。

無聲

秉錦補

方書多將失音與不能言合爲一症。豈知失音者。舌仍能轉運而喉中則寂然無聲也。不能言者。或舌強不能轉運。或喉中格格難出。而其聲自在也。余以無聲解之。自難與不能言者混呼矣。瘟疫無聲十不救一。所謂熱病暗啞不言三四日不得汗出者死也。此症總由瘟疫入臟。熱氣衝塞燔灼所致。然析之仍有數條。有因邪熱衝心。心氣耗損而然者。宜清心降火。用生地麥冬川貝花粉連翹竹瀝天竹黃竹葉黃連犀角之屬。有因火燥肺金不能宣布者。宜

清肺降火用黃芩川貝牛子梔子柿霜之屬有因熱痰壅塞而氣閉者宜清痰降火清痰則川貝蔓仁胆星之屬降火則診視其火在何經擇用本經涼藥并加入本經化痰之品而兼用枳壳陳皮橘紅佛手等理氣之劑

有因失於解散邪伏肺中者當解散之蓋肺形如鐘懸而叩之則鳴倘卧鐘而實以泥土斷無鳴理肺之室塞亦猶是也邪室既散則空靈而響發矣宜前胡防風水萍蘇葉桑白皮陳皮淡豉生薑葱白之屬

此症係失音之

惡意惡也

輕者此皆失音之類也至於不能言亦有數條有因風熱壅盛咳嗽聲啞者以消風降痰之劑治之用前胡防風陳皮兜鈴薑葱之屬此症之最輕者又有太陽發汗已身猶灼熱名風溫脉寸尺俱浮自汗身重多眠鼻塞語言難出宜萎蕤湯又有狐惑症唇上生瘡咽乾聲啞者又有少陰症咽中生瘡者又瘧症口噤不能言者當於傷寒與雜症門中求之是皆不能言之類也又經曰人之猝有憂患而言無音者何道之故曰會厭者音聲之戶也

會厭乃氣喉之蔽以掩飲食使

不錯入寒氣客於厭則厭不能發發不能下至其開闔不

致故無音云云此又以寒客經絡而致不語者熱邪流入經絡亦或有此理然不經見姑筆之以俟高明者

二瀝湯

竹瀝 荆瀝 梨汁

如無梨汁卽以西瓜汁代之如無荆瀝止用竹瀝亦可等分和勻病急不拘時服此治瘧後失音者未瘧前服之總效

囊縮

囊縮爲足厥陰肝經受病因熱極筋枯而燥縮也再言其

大小便結發熱引飲者急用大承氣下之若無下症而脉浮者宜汗緩者宜和六七日脉微浮微緩是有胃氣胃不受邪將作寒熱則大汗解矣陰症而囊縮者不在此例

結胸

吳又可瘟疫論中止有胸脇腹滿一症而抑知結胸痞氣瘟疫中皆有之且不因誤下而成者更多也論曰太陽病表未解醫反下之胸內拒痛心下因鞭則爲結胸又曰從心下至少腹鞭滿而痛不可近爲結胸皆大陷胸湯主之夫曰胸內拒痛是胸脇間事曰心下鞭則兼胃之上脘而

言也曰從心下至少腹則又兼滿腹而言矣蓋表邪傳裡必先胸以至心腹耳第大結胸最重小結胸次之痞氣則又其次也經又曰病發於陽而反下之熱入因作結胸病發於陰而反下之曰作痞而成氏釋曰發熱惡寒發於陽無熱惡寒發於陰夫無熱無寒似指寒邪直中陰經之症隨來陶張二氏之駁駁之誠是也而陰陽二字總未得真解故有謂傷風屬陽而傷寒屬陰者有謂在表屬陽在裡屬陰者紛紛聚訟隨成千古之疑團愚意以為何必儘推敲陰陽二字於閒處錯意不論大小結胸以及痞氣支結

皆屬於鬱鬱而未有不和者總以開鬱為主而痞結自散矣又當審其兼證診其脉理氣鬱者順之調之血鬱者行之破之痰鬱者化之吐之表鬱者散之和之裡鬱者攻之下之熱鬱者清之寒鬱者溫之瘟疫無寒或過服寒涼藥或汗下後食鬱者消之水鬱者利之而治痞結之能事盡矣至於仲景用大陷胸湯治誤下之結胸想古人所秉者厚故誤下而復用陷胸不至為害至陶氏則心知其未穩故有上焦乃清道至高之分過下則傷元氣之論然尚未敢深駁唯張景岳則云傷寒本病有不因誤下而實邪傳裡心下鞭滿痛連

自傷寒本病句
室所宜也句作

少腹而不可近者此大陷胸湯所宜也。至於太陽少陽表邪未解因下早而成結胸者若再用大陷胸是既因誤下而復下之可乎。不若以痞滿門諸法酌輕重而從雙解或用葱熨法以解散胸中實邪。此余屢用而屢效等語雖大翻仲景之案然明白洞達有至理存焉。真長沙之功臣結胸之寶筏最穩最捷者也。且外熨法不特治結胸爲然遇瘟疫用藥弗效俟六七日應汗不汗之期覺心腹稍有痞悶疼痛用葱熨見前往往大汗而解至于陷胸等湯一概不錄

呃逆

瘟疫呃逆不止者大是凶候。余在長安治賀水部蓮友患瘟疫黃而兼呃逆用承氣輩加茵陳與服大便行而黃漸退唯呃逆不止更兼喘而痰壅衆皆謂不治適得鮮花露數枚大如臂搗爛少加水濾汁數碗外用前胡枳殼橘紅香圓柿蒂煎出兌花粉汁頻服一晝夜服盡呃逆稍止瞬息復作又令其仍將前藥再作一劑入碗內用箸一雙十字加於碗上令病者自持碗于箸之四空處每空吸藥一口圓轉挨次吸之持碗不得換手一順吸去此法常飲水治呃良方以

以之服藥服後覺漸輕然時作止又遲二三日始愈若談
其獲效之不治不幾悞人性命乎再者瘟疫打呃皆熱症下香四
逆輩斷不可用。

搖頭

頭為諸陽之會陽脉有乘則頭為之動搖經曰諸風掉眩
皆屬肝木多因風火上乘所致風木動搖之象也古人治
此有灸百會風府等穴者吾終不以為然頭之所以搖以
熱極生風故耳清其邪熱其搖自定何必用火攻耶又有
心絕而搖頭者心絕則神去而陰竭陽獨無根不能自主

所以搖頭

癰癰

音熾縱癰與瘰字異瘰
音記狂也瘋猶曰瘰瘡

筋急而縮為癰筋緩而伸為瘰或縮或伸而不止者為癰
瘰與小兒之發搐相似亦有嘴眼歪邪角弓反張有類於
發瘰與中風者皆癰瘰之類此症多屬於風風主動搖也
而致此之由不一有瘟病熱極而生風者有其人本虛因
汗下後血虛而然者有因汗後冒風而然者有汗下後因
驚惱而然者有風濕破火而然者此症絕少大抵此症熱極生
風只一條而虛者有數端虛者投以寒劑立見危殆若未

經汗下。只因風火相扇者。當平肝木。降心火。佐以和血之藥。蓋心屬火。主脈。肝屬木。主筋。火為熱。木生風。故耳。藥則用羌活。防風。全蝎。僵蚕。柴胡。天麻。生地。麥冬。白芍。丹皮。當歸。川芎之類。如熱甚。黃連。梔子。胆草。黃芩。俱可酌用。有痰者。加礞石。胆星。竹瀝。若汗下後。稍涉虛弱。或冒風。或因驚。因氣惱。而癰癰者。斷不可用寒劑。養血祛風湯主之。至於汗下後。多日傳變。而為癰癰。以及出汗。露風。汗出不透。與被火劫等。癰癰俱載。傷寒門中。茲不贅。

養血祛風湯

自定新方

熟地

當歸

酒洗

白芍

酒炒

川芎

酒洗

半夏

製

僵蚕

泡去涎焙

天麻

酒蒸

生薑

大棗

為引

若虛甚者。加入參。有風者。酌加羌活。白芷。柴胡。防風。

渴

瘟疫鮮有不渴者。故弗可以不講也。邪在表。則不渴。在裡。則渴。三陽雖亦有渴症。但不如三陰之甚也。故太陰腹滿。噤乾。少陰口躁。舌乾。而渴厥陰。則消渴矣。飲水多而小便少。熱能消水。故也。瘟疫之渴。一。于為熱。初傳則熱微。而渴微。傳深則熱甚。而渴甚。但未有不見兼症。而獨渴者。施治當先問其所飲。

欲冷。欲熱。欲多。欲寡。飲多欲令屬熱更須審其表裡經臟曾否汗下。於瘟疫初起及十傳與六經治法中細尋症脈斟酌用藥。第治其瘟疫而渴自除矣。倘不應當於傷寒發渴條中採取施治所最要者。飲水常使不足。毋令有餘。不甚渴而多飲則悸動支結喘咳餒同噎噦腫滿泄瀉小便不利諸症起矣。然又不可禁飲。凡瘟疫有欲愈而思飲者。蓋得水則能和胃氣而汗解也。禁飲多致悶亂不救。

腹痛

瘟疫雖屬熱症而腹痛則有寒熱之殊。但熱則其常而寒則其變也。寒痛多有所因。或服涼藥過多。或不宜用涼藥而妄投。或妄意大食生冷物。或汗下後正氣虛而感寒。皆能致痛。或因病中惱怒氣滯積食者。亦有之。無故而痛者絕少。卽有之亦必因腹素有積。因瘟疫病而觸發之者也。凡腹痛但將凉水與飲而試之。若飲水痛稍可者屬熱痛。屬寒者屬寒。若繞臍鞭痛大便結實煩滿而渴氣粗噎氣者皆屬燥屎與實熱痛也。急用承氣等下之。因食積痛者更有惡食惡心噯氣腐臭等症治亦同。若小腹鞭痛小水自利大便黑身目黃者屬蓄血亦用寒劑加行血藥下盡黑物。

自愈凡實熱痛必脈來沉實有力若微弱者仍當詳審從緩治之若飲水愈痛或時綿綿微痛不甚亦不止重按則愈腸鳴泄利澄澈清冷口吐苦涎此為寒痛當用溫藥和之和不已而或四肢厥冷嘔吐瀉利者急用熱藥救之瘟病殊少此症如有必但須詳察之有力無方如腹痛而因過服涼藥生冷感寒兼身大發熱惡飲水嘔惡腸鳴如流水聲此表熱邪內寒也先溫其裡次解其表

短氣

短氣者氣急短促不能相續似喘非喘似呻吟而無聲也

有實者虛者在表者在裡者水停心下者或失于汗下或汗下後虛極皆能令人短氣補瀉誤用甚於燥又當詳察脈症而治之又有素虛人汗下後失于調補以致忽然似喘出言微弱少氣脈僅二三至沉細如髮甚至無脈此虛極短氣非真喘也急宜溫補緩則不救作喘治必死汗下後過用刻消之劑而見此者治亦同總之短氣者表裡虛實寒熱皆有但虛者較多當合脈與兼症而細察之

瘟疫兼暑

瘟疫兼暑最難分晰蓋暑病之在表者有頭痛煩燥肌

大熱脉浮氣喘口乾面垢自汗手足逆冷名暑厥搐攝名
 暑風昏不知人為中暑其症最易與瘟疫表症相混暑病
 之在裏者有嘔逆泄瀉心腹痞悶或兼脹痛又最易與瘟
 疫之在裏者相混唯於少氣倦怠大渴三症辨其為暑第
 瘟疫亦發渴但瘟疫在表雖渴亦不甚必至傳裏方甚至
 暑症不論表裡皆渴而在表時其渴較瘟疫之表者更充
 猛殊甚也以此為辨庶得其情如果係瘟疫兼暑症即當用
 解瘟却暑之劑亦不必拘於日期見表治表見裡治裡又
 宜先治其瘟疫解而暑熱亦從而退矣馬印麟以五瘟丹

治瘟疫但中無治暑之劑不過涼散方亦未盡可用倘遇
 此症仍當於達原飲中將祛暑之藥加減出入之至於五
 瘟丹每歲冬間預先修合備用亦可至祛暑等方載在暑
 門茲不贅

瘟疫發熱無休時暑症發熱有作止以此為辨
 若瘟疫與暑兼亦難以此為準仍當詳察脈症

瘟疫兼濕

活人曰其人傷濕又中於暑名曰濕溫兩脛逆冷腹滿頭
 目痛妄言多沫其脉陽浮而弱陰小而急茯苓白朮湯白
 虎加蒼朮湯切勿發汗汗之名中喝必死而吳氏引活人
 書曰宜朮附湯加人參香薷扁豆主之金鑑曰溫病復傷

於濕名曰濕溫其症兩脛逆冷妄言多汗頭痛身重胸滿
宜白虎加蒼朮茯苓溫濕兩治若脈大有力自汗煩渴者
人參白虎湯加白朮主之輕者十味香薷飲清暑益氣湯
增損川之按古人治法不過如斯但金鑑曰溫病復傷於
濕曰濕溫而治人則曰傷濕而又中暑曰濕溫味其義意
當遵金鑑爲是蓋傷濕而又傷暑只可謂之傷暑濕而不
可謂之濕溫也夫曰濕溫者是濕而兼瘟也或先瘟而中
濕或先濕而患瘟與暑何涉焉第瘟疫兼濕又最難辨

唯於一身

盡痛痛極且不能轉側惡飲湯水目中視物皆紅黃身目
色微黃而無譫妄等症者辨之始得而濕症之中又有濕
熱寒濕之分總宜白朮茯苓湯濕熱者小便赤澀如馬溺
渾濁色白且有煩熱大便秘結諸症宜人參白虎湯加白
朮主之或四苓散大小分清飲茵陳飲之類皆可擇用若
天久陰雨濕氣過勝其人藏腑虛大便滑小便清乃是寒
濕宜朮附湯但瘟疫發在熱時且兼濕熱者多而兼寒濕
者少朮附湯不可用若服茯苓白朮

等湯不應則用除濕達原飲分治瘟與濕誠一舉而兩得

也北方風高土燥患此者少唯南方水鄉卑濕天氣炎熱患者恒多春冬感者恒少而夏秋患者恒多所宜隨其時地而變通之至於前所引活人云濕溫切勿發汗而金匱要畧則云濕家身煩痛可與麻黃加白朮湯發其汗為宜景岳全書又曰凡濕從外入者汗散之將謂止中濕者宜汗而兼溫者不宜汗何以準繩濕溫門中既引活人云不宜汗又引金匱曰宜汗更引成氏云濕家發汗則愈是濕溫一門前後又自相矛盾殊不可解愚意瘟疫始終不宜發汗雖兼之中濕而尚有瘟疫作祟是又當以瘟疫為重

而中濕為輕自不宜發汗當用和解疎利之法先治其瘟疫其自汗出則濕隨汗而與瘟疫并解矣或瘟疫解而濕仍在者當于濕證門中求之故治濕諸方俱不開列

除濕達原飲

自定新方

枳榔

二錢

草果仁

五分

厚朴

一錢薑汁炒

白芍

一錢

甘草

一錢

梔子

五分

黃柏

五分酒炒

茯苓

三錢

如兼三陽經症仍酌如柴葛羌活瘟疫而兼濕故去知母而換黃柏以燥濕且能救水而利膀胱去黃芩換梔子瀉三焦火而下行利水加茯苓利小便而兼益脾胃三

者備而濕熱除矣。再加羌活等藥風藥亦能勝濕。濕溫散一舉兩得。此方分兩。不過大概。臨症加減用之。

石草散

治濕溫多汗妄言煩渴

石羔

煨炙草等分

共末漿水調服二錢

瘟疫兼痢

吳又可用栝芍湯係治瘟疫之裡症而兼痢者若有外症仍當解表必如喻嘉言分三次治法始足以盡其變。至表裡俱病者又當表裡分治總宜治變不可膠執。唯松花散治瘟疫熱痢頗著奇效。未可以易而忽之。又按傷寒便膿血有誤發林家汗而然者用猪苓湯有病在少陰者治以

桃花湯諸說於瘟疫總不宜用。蓋痢由瘟而作者始終一於為熱也。唯雜疫中痢疾原無瘟疫之頭痛身熱發熱自汗以及心腹痞滿不食譫語等表裡諸症而沿門闔戶止患痢疾者則有虛實寒熱之殊。其治法亦因之各異矣。凡痢身熱脈大者難治身熱脈小者易治。

松花散

治瘟疫熱痢

松花

二三錢

煎薄荷滾湯入蜜調服以愈為度無不效者

取松花法於四月初看松梢所抽黃穗如麥穗者趁硬摘取攤在布被單上晒乾即有麴落下如蒲黃磁器收

貯伏天必晒否則穿發取黃穗不可早早則嫩而少黃
麵又不可遲遲則花盡飛而穗成空壳矣看其穗硬而
帶黃色大如稻粒則取之又松花和入米粉中入白糖
可蒸糕食甚香美呼為松花餅

大黃酒 便膿血裡急後重 大黃 五錢好黃酒一兩盞浸一宿次日溫飲

瘟瘧

凡瘧寒熱如期而發餘時脈靜身涼常也以瘧法治之設
傳胃者必現裏症 應下之症 名為瘟瘧以瘧法治者死當以瘟
疫法治之此症下後裡症除寒熱獨存者是瘟瘧瘧在瘧

邪未去者宜疎清脾飲邪去而瘧勢在者宜截不二飲勢
在挾虛者宜補四君子湯三方見瘧門不附載

丹蒿散 治瘟瘧不止

黃丹 五錢 青蒿 童便浸晒乾炒二兩為末

每劑服二錢寒多酒服熱多茶服

鶴齡棗 治瘟疫邪瘧

取紅棗一枚咒曰華表柱一氣念七遍望西北方取氣
一口吹棗上令病者吃之

便蜜飲 瘧厲諸瘧無問新久

童便^一白蜜^二匙共攪去白沫頓服取吐碧綠痰出爲妙
不然終不除

妊娠瘟疫

吳又可治孕婦瘟疫用三承氣與利除害於反掌之間固
已但方中定當減去芒硝蓋芒硝乃軟堅之物用之能使
胎化爲水倘痞滿燥實堅皆俱極數用生大黃而止否則
止用熟軍爲妥胎與腸胃絕不相關大黃蕩腸胃而破堅
燥未聞能下胞孕者服之何害至云大黃爲安胎之聖藥
是專爲裡症應下者言之若邪尚在表者當速散其表邪
毋使內陷爲上乘也

單胎散 孕婦瘟疫恐傷胎氣

嫩捲荷葉

晒乾宜平時收貯臨時急用則烘乾

五錢

蚌粉

二錢五分

右共為末每用新汲水入蜜調服三錢再作一劑塗腹

上

又方 井底泥塗足心治孕婦時症令子不安

又方 用竈底中對鍋臍土研細水調服仍塗臍乾再換

塗臍散 井底泥青黛伏龍肝共末調勻塗臍上乾再換

黃豆煎 大黃豆 六十粒 水二盅煎一盅取汗病重再一服

妊娠熱病 車轄脂黃酒和服 青羊屎研爛塗臍安胎

又方 雞子 七枚 納井中令冷取出打破吞之令胎不動

妊娠時行并感寒 大鯽魚 一尾燒存性研 黃酒冲服如無汗腹

中熱痛醋和服取汗 熱病 葛根汁頻服

小兒瘟疫

瘟疫盛行之時小兒如有發熱等症或可斷其為疫倘瘟

疫不行之年而小兒忽感瘟疫於何辨之哉亦辨之於拌

然身熱而已第傷寒瘟疫皆身熱又當細問乳母曾否突

然脫衣洗浴入水當風而寢等事果實無感冒方可向瘟

疫上找尋又必驗其有目赤便赤舌乾胎黃黑日晡潮熱

諸語班黃或大便秘結或挾熱下利赤膠等症方可斷其

為瘟疫若妄意雜症為瘟疫則又失之矣吳又可專言俗醫妄意小兒瘟疫為雜症者是祇見一邊矣總之辨小兒瘟疫是極難的事

桃葉浴法 桃葉三四兩熬水日五六遍澆淋之再用雄鼠

屎微燒取二枚研水和服

二香散 天行壯熱 木香末三分 檀香末三分 清水和服 仍用溫水調塗額門

瘟疫雜症簡方

鼻衄

茅花湯 治衄不止茅花尖一把水三盞煎一盞服 無花根代

止血歌 石榴花蒂可以塞 蘿白藕汁可以滴 火煨龍骨

可以吹 龍骨能治九竅出血 水煎茅花可以吃 墻頭苔蘚可以塞

車前草汁可以滴 火燒蓮房可以吹 水調鍋煤可以吃

熨法 治衄如湧泉用草紙疊十餘張井水濕透分開髮

貼頂心熨之即止

炒梔吹鼻 山梔炒黑為末吹鼻外用濕草紙搭於鼻上

卽止成流久不止者方可用此法如點滴不成流者其邪在經未除不必用之

又方 蕤汁磨墨服並治吐衄無蕤用根

愈後鼻衄不止 用青綿線將兩手中指第一節屈伸處緊扎再用綿紙剪成一二指許寬條疊數十層新汲水濕透搭於兩肩頭上熱則另換又用好黃酒四五盞令兩足浸其中立止

滑石丸 滑石末飯丸梧子大每取十九微嚼破新汲水送下立止此治衄通劑

齒衄

椒磬飲 川椒四十九粒開口白凡少許醋煎服

吐血

生葛汁 取生葛根切碎搗爛少加水瀉取汁頻頻飲之治吐衄血神效並治陽明瘟熱之毒大效不獨止吐衄逐疫七寶丹 治時疫熱毒口鼻出血等症神效毋以其易也而忽之兼治諸熱毒并蠱毒

人糞尖七枚約棗栗大燒紅色取出卽入冷水中研細再頓服

蓄血

生肌黃湯 抵當湯丸今總難用以此代之甚覺和平

生地二錢 乾漆一錢 生藕汁一小盅 如無以大藍葉煎一二錢代之

錢半 大黃一二錢 生桃仁一錢 去皮研 歸尾二錢 紅花六分 酒洗

水與藕汁同煎 原方水蛭蟲今改用歸尾紅花蓄

血有上中下之殊上焦胃中手不可近而痛者犀角地

黃湯中腕手不可近桃仁承氣臍下小腹手不可近抵

當嫌峻猛此湯主之或再加枳實蘇木用者酌之

發斑

黑膏 治瘟疫發斑如錦紋 生地二錢 淡豆豉三 以猪

油半斤合煎之至濃汁次入雄黃末五分麝香六分九

彈子大白湯化一丸未見效再服

青黛一物湯 通治發斑 青黛水和服

歸葛飲 治陽明溫暑大熱渴 當歸 葛根鮮者 水

煎冷水浸凉徐服得汗即愈

又方 只用鮮葛根一味剉碎搗汁濾出任意飲大治陽

明瘟疫

玉泉散 治陽明內熱煩渴頭痛二便閉結發斑發黃及

熱痰喘嗽等症此益元散之變方也其功倍之

石膏六兩 生用 粉草一兩 生用 硃砂三錢 共爲細末每酌服一二

三錢新汲水對滾水服

治赤斑方 獨脚烏柏根 研酒服甚效

治出斑方 暑月昏沉未明症候恐是出丹以生黃豆數

顆食之如不覺腥卽以生黃豆泡研汁一小盞和水服

治發斑困篤 蟾蜍旱地蝦蟆 去腹宜去皮與頭恐有酥生搗食

一二枚效如不效再帶皮與頭搗服

鮎魚頭骨灰散 治傷寒瘟疫癰疹不能發服此卽發

鮎魚頭骨燒灰 存性 研細熟黃酒調服二三分

青木香煎 治發斑疹 青木香一兩 水煎服效若腹滿

不得小便用雄黃細末蜜丸棗核大納溺孔中

發斑怪症 目赤鼻張大喘渾身出斑毛髮如銅鐵乃熱

毒氣結於下焦也 白礬 滑石各一兩 共末水三盞

煎減半不住服盡效

麥奴丸麥奴麥穗 易微也 治陽毒溫毒熱極發斑爲救急良藥

麥奴 梁上塵 釜底煤 灶突墨 麻黃 黃芩

大黃 朴硝等分 爲末蜜丸彈子大每服一丸水下

發斑赤黑 青木香一兩 水三盞煎一盞服

擗首殘取也

斑疹出不快 鈎藤鈎 紫草茸等分末溫黃酒服一錢

發斑取汗 猪胆沐醋等雞子一枚合煎服汗出愈不愈再服

發黃

生姜退黃法 生姜爛周身擦之即退

又茵陳羹 茵陳煮食生食亦可並治黃

黃賓江方 治發黃目不識人 生葱煨熟去粗皮用心

扭沐蘸香油點二目大小皆

劉尚書方 治濕熱發黃昏悶不省死在須臾 白毛烏

骨雞一隻乾擗去毛破開去腸雜搗鋪心頭少傾即治

治發黃法 用麻油半盅水半盅蛋清一枚攪和服

吹鼻法 瘟疫三日外心腹脹滿堅硬手心熱遍身發黃

苦瓜蒂七末以少許吹兩鼻令黃水出餘末水調服

薑汁硝蜜飲 治發黃心狂煩熱 大括薑一箇新汲水

淘浸取汁入蜜半合朴硝八分和令勻待硝化盡服之

竹麥飲 治黃 竹葉小麥石膏分兩臨水煎細服盡劑

又方 醋浸雞子數枚一宿去壳吞其清

又方 髮長燒研水服日三

狂凡狂熱不可掩閉牀帳務揭開放入爽氣病人如覺惡風則不必矣

髮音倫婦人假髮以飾首者

三白飲 治熱極狂亂及熱不退 鷄子清一枚 白蜜一大匙

者更良 芒硝酌用共和一處再用涼水和服如心不寧加

珍珠末五分

靛青飲 治天行瘟疫時氣熱毒煩躁狂言尚未至發狂

之甚者亦皆可服 靛青一大匙 以新汲井水和服

獨參丸 治發狂不避水火 苦參不拘多少 爲末蜜丸梧子

大薄荷湯下二錢水亦可

治狂走 雞子壳出過小雞者 泡滾水服卽安

渾圓丸 治舌黃煩躁狂言發熱 生鷄子吞一二枚

又方 蚯蚓治瘟病大熱狂言蚓糞新汲水和服亦妙

鵲石散 治發狂踰牆上屋 黃連 寒水石 等分爲

末每服二錢濃煎甘草湯候冷調服

鉄胆飲 陽毒在臟譫妄狂走 鉄粉一兩 胆草五錢 共末磨

刀水調服二錢小兒五分

元砂丹 治發狂 元明粉二錢 朱砂一錢 共末冷水服

又方 胆草末二錢 雞子清一匙 白蜜一匙 凉水化服

黃雪膏 大黃不拘多少炒黃爲末 雪水熬如膏冷水和服亦

治發黃

又方 狂走見鬼 蚯蚓數條去淨泥人尿煮汁飲或生絞汁亦可

又方 治狂走 瓜蒂末井水服一錢取吐即愈

又方 人糞入確內泥封煨半日蓋地下出火毒研新汲水服二三錢未退再服

又方 大熱狂渴 乾陳人糞為末於陰地淨黃土中作小坑將糞末入坑中新汲水和勻良久澄清細細與飲即解

醋治狂法 陰狂陽狂皆治 瘟疫無陰狂 於病人室中生旺火一盆將好醋一大碗傾於火上病人聞之即安兼燥

渴者入硝半斤於冷水內用青布一塊浸硝水中取出搭胸上布熱再浸換如得睡汗出即愈 一法用鏡按胸上亦得如

兼舌出不收將麻黃水洗淨舌用冰片牛黃麝香研末點舌即收 或止用水片亦可

結胸

苦參飲 滿痛壯熱 苦參 一兩末 醋三盅煎一盅飲取吐

牽白飲 心腹硬痛 牽牛子 末一錢 白糖湯調服

地龍飲 按之痛極或通而復結喘促狂亂 生地龍 四條 洗淨研如泥 人生姜汁少許蜜一匙薄荷汁少許新汲水調

服若熱熾加片腦少許服採心下片時自然汗出而解
不應再服神效

呃逆

枳香散

枳壳

五錢

木香

一錢

共末滾水調服一錢不應再服

又方

四花青皮

全者

滾白水服一二錢

又方

黃蠟

燒烟薰三次即止

痢

霜連散

治挾熱下利膿血

百草霜

川連等分共末

黃酒下二錢日三

連梅丸

噤口

川連

五錢

烏梅肉

三錢

共末蠟蜜丸桐子

大服二十九日三

連艾煎

治同上

川連

一錢

熟艾

二錢

煎服

豉薤湯

暴痢豉

一握冬

薤白

用根

水三盅煮熟納豉更煮

色黑去豉分二服

龍骨湯

毒痢大煩渴作熱三焦瘡羸張口吐舌生瘡不

識人目爛龍骨

半升水一斗煮四升

用器裝臘封固口泥井底過

夜取出徐徐飲

又方 下痢欲死 龍骨_{半斤} 水一斗煮取五升候冷稍飲得汗愈

煩躁

苦參散 治狂躁並結胃 苦參_末 黃酒調服三錢已汗未汗者皆可服

花粉煎 煩渴花粉煮濃汁飲先以竹瀝和水入銀同煮取水冷飲然後服此

又方 生藕汁_{一盅} 酌加生蜜和勻細飲
竹瀝飲 煩躁竹瀝微溫時時少飲厚蓋取汗

又方 治口乾生藕汁生地汁童便各等分和頻飲
浮腫

靖康異人方 靖康二年京師大疫有異人書此方 治瘟疫浮腫亦治大頭瘟
黑豆_{二合} 炙草_{二水} 二盅時時呷之

錦按此即甘草黑豆湯也古稱大豆解百藥毒甘草亦解毒之品瘟疫乃毒氣所鍾故用此方取效方用炙草愚意不如易以生草更妙炙則帶補矣有一人吃茵垂死用生草半斤黑豆數把濃煎大灌得生足徵其解毒之功大矣一云冷飲方效

頭面腫 銀花二兩生甘草一兩煎服少加入黃酒亦可

青袋飲 治兩腮腫發願 青黛五分甘草二錢銀花五錢瓜萼

半箇水酒煎服

時疾陰腫 囊莖發熱 羊屎 黃柏煮水洗之

咽痛

干脂膏 喉閉腫痛 射干 猪脂各一兩合煎焦去渣

冷噙化棗大

又方 熱病咽痛 含童便即止

噦飲水多者

枇杷茅根煎 枇杷葉去爭毛茅根各五錢煎稍稍頻飲

腹脹陰陽不和者

桔梗半夏湯 桔梗 半夏製陳皮各等分姜煎

心悸脉結代

甘草湯 甘草二兩水煎服

已汗不解

新生雞子五枚傾碗內 攪渾以水一升先燎

滾將子投入少納醬吸之汗出愈

熱病生蠱下部有瘡

鹽熨 將鹽熬過俟乾包熨三次即愈

天時熱毒攻手足腫痛欲斷

猪蹄湯

一具去毛葱一握 水煮汁入鹽少許漬之

熱病餘毒

漬方

毒攻手足疼痛欲脫

稻梢

燒灰存性

煮水頻漬患處

豉酒

毒攻手足遍身虛腫

豉

一握微炒

入黃酒中同煎服

又方

治手足腫痛欲斷

掘坑深二尺燒熱灌以黃酒

有熱氣騰出速赤足穿木屐踏坑中坑口用衣密塞毋

令洩氣

又方治同前

黃柏數兩煮水漬之

又方

肢痛欲脫

羊屎燒水漬

瘡乃止或和猪脂塗

諸復

勞復食復欲死

并以蘆根煮濃汁飲

人糞

燒灰酒服

勞復

抱出雞卵壳

炒黃為末

熱湯和服取汗即愈

勞復

取頭垢棗核大含之

又方

頭垢燒研丸桐子大水服一丸初愈預防勞復法

勞復食復危篤

蘇葉煎服入生姜淡豉亦可

女勞復卵腫或縮

白凡

一分硝三分

大麥湯調日三服熱毒

從二便出

又方 腹痛卵腫 葱白搗醋一盞和服或酒

又方 卵腫股痛 竹皮三錢水煎服亦治勞復

又方 女勞復發動欲死不語 梔子一二錢炒煎服令微汗

亦治食復

又方 肚痛卵腫 葱白搗爛和熟黃酒服再以葱搗爛炒

熟入醋敷腎囊

陰陽易 少腹急痛 熱酒吞豚卵二枚

又方 治小腸急痛腎縮面黑喘不救即死 大蒜連根七枝

也弱音匿接

葱小加倍生薑二兩共切黃酒煎服仍炒葱熨氣海穴母令冷

又方 治熱氣上冲胸煩悶手足攣搐搦如風者 花粉

竹茹水煎調燒裨散服見傷寒 治婦人勞復

赤衣散 女勞陰陽易并治 室女經布燒灰存性研熱水調

服或兌藥服

又陰陽易拘急手足拳小腹急頭痛不能舉雄鼠尿十四個韭根一大握水二

盞煎七分去渣又煎二沸溫服取汗未汗再服

又方 乾薑末三錢白湯調服蓋被取汗手足即伸

又方 手足甲廿片 中衣襦一片 燒灰存性分三服

溫酒下男用女女用男

勞復 馬屎燒末冷酒服

又方 雄鼠屎廿枚豉酌水煎服

瘟病食勞 杏仁五錢去皮尖湯升二煎一升服取汗愈

又勞復食復 柑皮濃煎汁飲

瘟瘡痰甚但熱不寒

用常麥竹葉煎

專治瘟瘡熱多 常山錢一小麦錢三淡竹葉錢一水煎五更

服不愈再服

山果酒 治瘴瘧寒熱 常山一草果一枚熱黃酒一盃浸

一夜五更望東服之蓋卧酒醒即愈 又方 常山

枳櫚 甘草各三錢黑豆百粒水煎服各常枳草豆煎

目暗 熱病瘡後食五辛所致

鯽魚腫 用鯽魚作臠食以明為度

瘟症夾驚

萍犀散 紫背浮萍晒乾一錢犀角屑五錢鈞藤鈎三七共末每

服錢半蜜水調下連進三服出汗為度如要多加倍

熱病口瘡成膿音匿小

桃枝煎 用桃枝煮濃汁含之下部有瘡納入之

熱瘴昏迷煩悶飲水不止 兼治瘟疫

地荷煎

生地無鮮薄荷等 研爛乾者入水取汁入麝少

許并華水調服覺心下清涼母再服病篤一劑見效

妊娠時疫赤斑變黑尿血

葱白一把水三盅煮熟服汁食葱令盡取汗

熱病胎死及下胎衣

紅花酒

紅花入黃酒煮飲二三盞

寒疫

世之言疫者將瘟疫二字讀滑隨曰疫止有瘟而無寒也

豈知疫有三而瘟其一焉尚有寒疫雜疫二者而人自不

體認耳茲專說寒疫矣又可言春夏秋三時偶感暴寒但

可謂感冒不當另立寒疫之名固已但感冒觸冒訓犯係

人不慎風寒自取之至於當天氣方溫熱之時而凄風苦

雨驟至毛竅正開為寒氣所束眾人同病乃天實為之故

亦得以疫名也其症則頭痛身痛身熱脊強惡寒拘急無

汗感冒或則往來寒熱氣擁痰喘欬嗽胃痛鼻塞聲重涕

唾稠粘咽痛齒痛

俗云寒通注火感冒所無

蘇羌飲主之

自定新方

蘇羌飲

治四時寒疫歷有奇效屢試屢驗并治傷寒傷風可代麻桂青龍羌活十神等湯誠諸路之應兵也

紫蘇

三錢羌活二錢防風一錢陳皮一錢淡豉二錢

葱白

數段水煎服不應再服初覺速服必愈遲則生變

此足太陽藥也紫蘇溫中達表解散風寒羌活直入本經治太陽諸症淡豉解肌發汗兼治疫瘴防風能防禦外風隨所引而至陳皮利氣而寒鬱易解姜可驅邪葱能發汗輔佐諸藥以成厥功四時風寒皆能治療甚母以藥味平淡而忽之

唯不治溫疫

如兼陽明症者加白芷一錢兼食積者加炒麥芽神

麴各一錢肉積者加山查一錢風痰氣壅涕唾稠粘

加前胡一二錢欬嗽喘急加杏仁一錢

泡去皮心腹大研

膨脹加姜炒厚朴一錢胃臆悶塞加炒枳壳五六分

嘔逆惡心酌加藿香制半夏生姜一錢年高者虛怯

者加人參一錢陰虛血虛者加熟地三錢當歸一錢

脾虛者中氣不足者加參朮各一錢此汗散之方故

不入柴胡若現少陽症當另作主張用和解之劑

誌

本草綱目卷之三
六

瘟疫應用藥

發表浮萍 葛根 柴胡 羌活 豆豉 葱白 蒼朮

升麻 生薑 洋糖 防風 杏仁 荊芥 薄荷

青蒿 蟬退 香薷 前胡 赤梔柳一名西河柳 一名觀音柳

攻裏大黃 芒硝 枳實 板榔 厚朴 草果 鐵落

山甲 枯菱

寒涼生地 麥冬 元參 梔子 黃芩 銀花 石膏

丹皮 知母 萊豆 竹瀝 童便 人中黃

大青 青黛 花粉 天冬 桔梗 山豆根

犀角 竹葉 竹茹 白芍_生 連翹 牛蒡子

柿霜 梨 西瓜 葶藶 甘草_生 茅根

雪水 冰水 蚯蚓 蚓糞 黃柏 胆草 苦參

射干 黃連 馬勃 板藍根

利水車前 澤瀉 木通 秦艽 茵陳 茯苓_赤 赤芍

燈心 瞿麥 扁蓄 石韋 猪苓 淡竹葉

滑石

理氣枳殼 陳皮 橘紅 蘇子 青皮 佛手 柿蒂

香圓_皮 金棗_皮 香附

理血歸尾 桃仁 紅花 川芎 撫芎 側柏葉

紫草 京墨 廬虫 蘇木 髮灰 百草霜

化痰薤仁 川貝 僵蚕 半夏 胆星 桃花 牙皂

冰糖 白芥子 亦發表

逐邪藿香 雄黃 硃砂 龍齒 大蒜 桃梟_{樹上乾}

檀香 鬼箭羽 降真香 斧頭木_{係斧柄} 虎頭骨_{入鐵處}

消導谷芽 麥芽 神麴 山楂 蘿蔔子

食物灰_{所積者何物即將何物燒}

溫補熟地 當歸 白朮 炙草 大棗 阿膠 蓮子

山藥 蜂蜜生粳米 糯米 倉米 荷葉 百合

茯苓 首烏 菱薏 藕 黃酒 人參

松峯曰瘟疫原無用麻桂蘇葉等藥之理故一概不錄卽瘟疫變症所用之藥亦不開載

